



Cualificacion Internacional: Pavaroti Restaurant den top 5 di mihor restaurant na Aruba

ORANJESTAD (AAN) Redaccion di DIARIO a haya informacion cu e restaurant "Pavaroti" situa na Palm Beach na Noord, a haya reconocimiento internacional di e conocido grupo "Freeman Group International" cu a pone Pavaroti den e top 5 di e mihor restaurantnan na Aruba.

Freeman Group International a bin Aruba pa asina na un forma anonimo inspecciona restaurantnan cu ta miembro di Aruba Gastro-nomic Association.

Aña pasa DIARIO a entrevista caba e Chef di Pavaroti Carlo Persia kende hunto cu otro Chefnan na Aruba, a bay representa pais Aruba na Puerto Rico den un competencia internacional y nan a logra di saca cara di pais

Aruba.

Carlo ta un Italiano autentico cu tin hopi experiencia den mundo di horeca y na Pavaroti e ta e hefe maximo di cushina cu ta prepara platonan excelente pa clientenan di Pavaroti.

Staff y personal di Pavaroti e keda sumamente contento cu e nombracion di Freeman Group International y DIARIO ta felicita tur trahado di Pavaroti cu otro logro di calidad.

Durante dianan venidero DIARIO lo bin cu mas informacion encuan to Pavaroti cu lo bin cu un campaña special pa nos hendenan local cu por ser conoci cu platonan di restaurant Pavaroti cu no ta consisti solamente di pasta, pero di un variacion amplio.

Aruba mester ta orguyoso cu programa di radio "Cos di mucha"

ORANJESTAD (AAN): Awe DIARIO ta combersa cu Roland Fortin, kende ta un di e motornan grandi tras di e programa di radio cu ta pasa tur Diadomingo mainta via Hit 94 FM.

Roland Fortin a elabora riba e produccion di e programa "Cos di Mucha" cu ta worde presenta pa e locutornan Ig-mira y Quincy Hasham.

El a splica cu e programa a cuminsa cu tur cos, por escrito riba papel. Pero como cu awor e muchanan tin experiencia, nan ta djis usa punto importante y di mes e comentario ta crece sin ningun problema.

Roly ta su number di cariño, y el a cuminsa stimula e muchanan pa bay radio y trata na mira si nan por domina 1 ora di programacion. Awendia ya caba nan ta domina facilmente 3 ora. E ta algo sano, pero tambe ta exige hopi disciplina, como cu bo no por djis dicidi cu "awe mi no tin smaak di bay radio," etc. Danki Dios cu nunca a surgi un problema asina.

E programa "Cos di Mucha" ta uno dirigi pa mucha y cu mucha. Nan ta tene entrevista cu hendenan importante den comunidad, manera di iglesia, prison, comedia, musica, etc. Tambe di personanan cu ta duna diferente charla di droga, alcohol, idioma Papiamento, salud, deporte, y

mucho mas.

"Nos tin muchanan cu ta bin purba hopi biaha, pero cu ta haya e programacion riba su mes hopi leuk, pero e responsabilidad y disciplina no ta esun desea," Fortin a indica. El a muestra cu semper nan ta keda bonbini si.

Hopi biaha, adulto y mucha ta disfruta di e programa aki, como cu bo por conta bo soño, of duna bo opinion riba tur topico, canta, lesa versje, y no lubida e cumpleaños y e bunita premionan di tur siman.

Na diferente ocasion, comerciante ta cuminsa cu nan aporte, y despues ta laga nan sponsorship cay, y prefera di yuda un programa di adulto. "Pero nos ta contento cu esnan fiel cu ta comparti cu nos den e 3 aña di programacion".

Roland Fortin a sigui bisa: "Ami ta e director, cu produccion den man di Igor Hasham, y cu un fiel operador cu ta Dito Maldonado. Un danki special mi ta manda na Johnny Habibe, kende a deposita su confianza den man di e muchanan, y pa mira con nan ta progresando."

Manera ta conoci, durante luna di April, e programa "Cos di Mucha" a celebr: e hecho cu nan ta 3 aña caba ta transmitiendo tur Diadomingo pa asina haci vida di tur mucha mas alegre.

SALE-A-BRATION

PA FAMILIA COMPLETO Y CONTENTO

20% te cu 50%

.....descuento ariba tur cos e.o.

Paña pa mucha, damas y cabayero
te cu accesorios pa cas.

Y ariba muebles nos tin 20% rebaho.

Probecha di e oferta aki awe mes.



Waw!

Panama Store

B v/d V Zeppenfeldtstr.9, Tel. 845131

Valido te cu Mei 9, 1998

PET-O-LANDIA

Fergusonstraat 73 • Tel: 821691 • Fax: 827440

Un gran cantidad
di pisca a caba di jega
cerca nos, anto tur ta loco-loco.

Pesei awe
nos tin

15% di DESCUENTO

ariba tur cos!

